

『東大寺要録』本願章第一所引『延曆僧録』勝宝感神聖武皇帝菩薩伝

延曆僧録文

勝宝感神聖武皇帝菩薩伝 〈以御願文十二月二日〉

法名勝滿。在奈良朝廷御宇。

(中略)

又發使入唐。使至長安。拜朝不扞塵。唐主開元天地大宝聖武心道皇帝云。彼国有賢主君。觀其使臣趨揖有異。即加号日本為有義礼儀君子之國。復元日拜朝賀正。勅命日本使可於新羅使之上。勅命朝衡領日本使。於府庫一切處遍宥。至彼披三教殿。初礼君主教殿。御座如常莊飾。九經三史。架別積載厨龕。次至御披老君之教堂。閣少高頭。御座莊嚴少勝。厨別龕函盈滿四子太玄。後至御披积典殿宇。頭教嚴麗殊絶。龕函皆以雜廁填。檀沈異香莊校御座。高広倍勝於前。以雜宝而為燭台。々下有巨鼈。載以蓬萊山。上列仙宮靈宇載宝樹地。悉々紅頰梨宝莊飾樹花中。一々花中各有一宝珠。地皆砌以文玉。其殿諸雜木尽鉗沈香。御座及案經架宝莊飾尽諸工巧。皇帝又勅。摸取有義礼儀君子使臣大使副使影。於蕃藏中以記送遣。大使藤原清河。拜特進。副使大伴宿弥胡万。拜銀青光祿大夫光祿卿。副使吉備朝臣真備。拜銀青光祿大夫秘書監及衛尉卿。朝衡等致設也。

開元皇帝御製詩。送日本使〈五言〉

日下非殊俗。天中嘉会朝。

朝爾懷義遠。矜爾畏途遙。

漲海寬秋月。歸帆駛夕颺。

因声彼君子。王化遠昭々。

特差鴻臚大卿蔣挑挽送至揚洲看取。發別牒淮南。勅處致使魏方進。如法供給送遣。其大使私請揚洲竜興寺鑿真和上等渡海。將伝戒律。自勝宝六年二月四日至聖朝。勅安置東大寺。即其年四月。勝宝感神聖武皇帝。於盧舍那仏前。天皇菩薩請鑿真和上。登壇受菩薩戒。皇太后皇太子並随天皇受菩薩戒。後為沙弥澄修等受戒。此及伝戒事円。至其年五月。大和上衆僧。即貢如来舍利二千粒。西国瑠璃瓶盛念珠菩提子三斗。青蓮花葉二十茎。珉海曇子八面。玉環水精幡八条。王右軍真跡行書一帖。小王献之真跡行書三帖。少僧都良弁及佐伯今毛人共進内。斯美希代勝貺。前王罕逢。其僧法進即伝道宣律師行事抄六卷。大抵弥迦藏本。又沙門法励疏。嵩岳鎮国道場義記三本。助天皇菩薩之揚化。聖武皇帝宜膺帝録。天受雄凶。德副乾坤。明均日月。化家為國。志康雷雨之長。翼聖承天。果就經論之業。六竜感御。八表惟寧。握鏡垂仁。懸大明而下燭。凝流拱代夢花胥而上昇。万德長綿莫攀雲駕。百神幽贊永隔軒台。天平仁政皇后。克纂洪福。丕垂耿光。翹叡心於仏乘。申景福於仙鶴。創茲金地。而未畢功。克日就功。忌辰赴慶。莫我烈聖憑斯正因。妙業增暉。開化蓮於浄国。玄珠契道。獲大宝於春池。裕不尽之威靈。垂無疆之福祐。勝宝八歳々次丙申五月二日。崩於平城宮矣。〈已上僧録文〉